

# أول حروف النزالة

شعر  
سهير متولى

---

---

رسوم الغلاف للطفلين :  
علي محمد إبراهيم قنديل

إخراج وتنفيذ  
ياسر المطراوي  
علي أبو الخير

الفرسان للنشر والتوزيع



طبا سیر .. وفعم

---

---

---

وما كنتش إبنى اللى ولدته  
وما كنتش ما بينا الحبل السرى  
ولا كنت ترفس جوه البطن  
تتمد ما بينا لغات الفرّح  
ولا طلقك حزم لى جنبى  
ولا زنقة راسك ف خروجك  
علّمت الصبر

---

---

ولا وجع الرحله المقطوعه بينى وبينك

عمرها تتحسس

ولا كنت الولد اللى عشقته

ولعبنا ف بير السلم بيت

ولا كنت تغلّس ف الحجله

تحجل قدامى . .

أشد قميصك واجرى وراك

يتمزع قبل قميصك خوفى من العلقه

وخصامنا ان طال

ولا ع الأسفلت المشقق كنا بنرسم

وما كنا نحس بوجع الركبه المجروحه

---

والدم المتعاص بالطباشير  
غير واحنا بنلمس طرف سرير  
أو تنزل نقط الميه الساقعه على ركابنا  
وندوق الويل

ولا انت اللى طلعت معايا شجر الجميز  
ونزلنا جيوينا المنفوخه  
تتهز مع الضحك المكتوم  
وقت ما فرقنا على صحابنا . .  
جميز مهروس

أو إنت الولد اللى حذف لى  
جوابات العشق ف نص الليل

---

وهربت ف وسط الضلمه

وخُفْتُ تبوح لى ف يوم

ولا انت اللى سرقت عشانك

شرابات للكورهِ ولفه خيط

علشان ف الآخر

نكسر بيها إزاز البيت

ولا انت اللى حكيت لى الحواديت

وحلفت بإنك شفت النداهه

والغول اللى بيسكن ورا كلس الحيط

وفضلت يوميه تنقرّ ع الشباك بالليل



---

وانا تحت غطايا  
فريسة اشباحك إنت  
وانت ما مليت

طباشير الذكرى بيتطير  
عَفَرَّ ف الأوضه سحابة غيم  
ولقيتني انا برسم ع الجدران . .  
نقرشت حيطان البيت الأبيض ويا السقف  
بالحبر الشينى وفحم أسمر

فبراير ٩٢

---

مَهْرَةُ الْحَوْلَانِ

---

---

---

يا أميرة الحواديت محدش يسمعك  
يا أميرة الليل اللي فلفص فوق لسانك  
ألف حدوته وقمر  
يا عمر مربوط بالحكاوى المدهشه  
كام مره خانت دمعتك كحل العيون  
واتنطورت

---

كام مره صوتك إتخفق  
كام مره كان يلمع ف عينك نصل سيف  
مستنى بس تكملنى  
كام مره هربت مُهرة الحواديت  
وجرحت فرشتك  
كام مره كنتى مُذنبه ؟

هزى دخان البخور  
اتنهدى  
تخرج مع النفس المسافر ريحة الصندل  
تطقطق مستكه  
إرمى بيمينك عقد لؤلؤ  
فوق بحيره من العطن

---

كُبي صناديق الجواهر ع الخلاق

واسمعى . .

دعوه ما هياش مستجابہ

وارحلى

زُقى حكاويكى الغريه وازحمى كل الصور

أو جُرى ف كعابك زمان عبثى

جميل

تافه

ما هواش ملكنا .

مين يا أميره اللى ابتدا

مين يا أسيره اللى فرض

بالسيف دموع ولا فرح

---

كُتِّى عَلَى السَّكَّةِ رَمُوشُكَ مَبْلُولِينَ  
جَائِيَهُ مِنْ لَحْظَةٍ وَدَاعٍ  
وَلَا مَسَافِرَهُ . .  
وَعُودَتِكَ زَى الْحَاوِي مَسْلُسَلَهُ .

يَا قُصُورَ بِتَشْهَدِ عِ الْخِيَانَاتِ انْطَقِي  
كُلَّ التَّصَاوِيرِ فَوْقَ حَيْطَانِكَ مِنْ دَمَانَا وَشَعْرَانَا  
وَسَلَامُكَ الْمُرْمَرِ بَنَاتٍ وَمَمْدَدَهُ  
وَجُلُودَنَا مَشْدُودَهُ فِ طُبُلٍ  
حَتَّى الضَّوَاغِرِ مَنْزُوعِينَ  
بِيزِينَا ضَهْرَ الْكَرَاسِي  
وَالْبِرَاوِيزِ وَالضُّلْفِ .



---

يا أميرة الخواديث شفايفك شققت  
وبصوتك المبحوح ندهتى الديك يصيح  
لَمْ يسمعك  
ف مدينه من دم الديوك ف الصبح غسلت  
وشها ..  
مين يسمعك .

وانا بعلم إني مانطيتش البركه  
ولا طرت مع العصافير المطلوقه يم الخواديث  
ولا ملت على الفسقيه وبلت الريق  
ولا كُنت برئ  
أنا بس استخسرت الفرحة ف شفه  
ماتبكيش

---

ونفخت ف جمر النهايات العرجه  
بس ما اغنيش

يا أسيرة حدوتة بكره  
(ويا مين هايعيش)  
خطيت لك أحلى نهايه  
وأوجع ترتيل  
مش سيف مسموم  
ولاخنجر ف الضهر يخيب  
ولا ليل متعكر بالحواديت

إبريل ٩١

# حجر الزلازل

---

---

---

كل الصبايا عشقوا صوتك لما غاب  
واستنوا في الليل انفراطك ع الحيطان  
[ مش دمعك المسكوب على لبن الصباح  
ولا دمك المفروط على محرم تُهامي  
والجبل يشهد وراك  
ولا روحك المكفّيه تلحس دمعك المدلوق  
على صمت البلاط

---

وقت انهزام فورة بلوغك  
وهج المراهقه  
أو خُطب ناصر  
وشهوة الانتحار  
لَفَت انتباه الأم م الولد اللي راع  
يستجدي شكل الاهتمام [\*]  
أو طفل متبعتر ف حجر من الإزاز .

إنتَ اللي جَرَّحتَ الليالي  
وجرحك المفتوح كلام  
وانتَ اللي عَفَّرتَ اشتياقك  
بالسكات .

---

إنت اللى مزروع ف الأراضى البور ريحان

طلّته عرفت تخاف

وقدرت تسمع ندهة الخايف

وتديه الأمان

إنت ابن كل الأمهات

وأبو العواجيز والصبايا والعيال

طلّيت ف أحلام الصبايا جرحتهم

مسحوا دموعهم من سكات

واستكثروا ف الصبح يدوك اللجام

نزل الشتا ع البوابات . .

على كل بوابه رسمت لبنت حلم بكحلها

مریت وحید ف اللیل تدور ع الأمان

---

حييت تلملم كل أحلام الصبايا

ف، دفترك

ما لقيتش غير الكحل دايب

ع الخشب.

وانت اللي خدت من الفرس شكل الجموح

وانت اللي حييت الغنا وسط الجموع

وفردت لاصحابك قميصك

وافترشت الرمل وحدك والدموع.

[وانت اللي قلت أبوتا هو «إسماعيل»

هو اللي رق لصوت بكاءه الصخر

وحجارة الجبل]\*



---

شقيت قميصك،  
واتجهت لصوت بكا الطفل الصغير  
ف الخلا  
وانت اللى حلقك شرّخه الخوف والعطش  
وسعيت ما بين جبلين تدور للوليد  
على بق ميه  
اتفجّر ينبوع دموعك وارتوى وش السما.

وانا قلت لعينيك القصايد كلها  
ونسيت أقولك قبل ما يفوت الزمن:  
إشبط ف ديل المهر لو سرجك وقع .

نوفمبر ٩٣

\* مقاطع من رواية لبراهيم قنديل - بتصرف

\_\_\_\_\_

مكة خيـط  
\* إلى أمي ..  
إنحناءة خجل أمام عطائها

---

\_\_\_\_\_

---

وتكتك مكنه ف صمت الليل والناس نايين . .  
محنيه الدمعه اللي ف عيني وانا بسمع تنهيدة  
وحده، وكلام ملضوم فى الإبره يُنْقَشُ فستانى  
ف ليالى العيد اللي انكسفت من حنية ضهرك ع  
المكنه . كان بينى وبينك صمت وليل،

---

وماكُنْتُش بفهم سر غناكى المتشَبِّك بالدعا  
والخيط، ولا كُنْتُش بعرف ليه أوقت بتبل  
دموعك خشب الطَّارِه وحبر الرسومات..  
هربانه الذكرى لحتّه بعيد، وصغير قلبى اللى  
ما ساعشى رعدة خوفك والغطاف الليل.

مكنة خياطه، باقيه تشهد ع الزمان المنقضى  
فسرت لى ليه ما بين قلبى وكفك كل أسرار الغنا.  
الكف دى أنا شفتها، لما المقص طبع دواير ع  
الصواب وانضغط، لما ورمتم البرودة، لما  
كانت تُلضم الإبره تخيب منها، لما كانت  
بالمازورة تلف على وسط البنات، أو تجس  
خدودى وأنا سُخنة ساعات. لسه فاكراه فرحتك

---

لسه فاكراه إزاي بتنسى ضهرك المقطوم  
وتنهى نقشتك . . (إنت نقشتى على الهدوم وانا  
نقشتك جوا قلبي للأبد)

رغم انى كنت صغيره، فاكراه ارتعاش صوتك  
وانا راكمه على رُكبي وبسندع الخشب . . إنت  
بتحكى وتنطبع كل الصور بعنياك آشوفك  
واقفه ع الجسر الخشب، تشبط عنيكى  
ف كتف من بين البنادق إلتفت . واخدينه  
فين؟ ندهه تتوه والبوكس ع السكه رمح .  
كم ليل وشمس وعيد رحل، واللى رحل . . واخذ  
معاه ضحكاه وفرحه وليل دفا . خمس سنين  
اتنظوروا . بينك وبينه السلك شايك والحديد

---

قضبانه ساقعه وضيقه، والعالم الواسع ف عينك  
خُرْمُ إبره بينقفل . مجهول يا بكره،  
ومايعه يا حروف الكلام، لو تعرفوا . . إزاي  
يكون السجن سجن في وسط أهلك والجيران .

شال الزمان  
حط الزمان  
إنتِ الأمان  
إنتِ اللي حارسه ف قلبي كل البوابات  
واسمع لصوتك  
التقيني كبرت من قبل الأوان

فبراير ١٩٩٢



# قراءة في عرفة



---

---

الليل فتح للصمت باب

قال والشفاف حابسه جواها اللسان:

(قدامك العمر اللي كان)

نبشت ضوافرك في حيطان مَظليه نار

اتفجرت بالونة الذكرى على حلقك كلام

---

خف الجسد واتلاشى تُقل الليل على بدنك

فبان

مرشوقه ف الضهر السهام

نايم على جسمك رماد العُرى

والجير اللى طفاه الزمان

ماتغمضيش جفنك خجل

ماتفتحيش عينك قلق . .

لا الخيمة ف الليل هاتداريكى فى حضنها

ولا حتى ورق التوت هايقدر يستحيل

ستر وغطا

وحدك

ولا عادت حروفك مُنقذه

---

وحدك

ولا دمع الليالى يسعفك

مولوده من تانى اللغة . .

ومدحرجة صوتك على صمت الحيطان

متشعلقه ف قطيفة العشق

اللى غطاه النحاس

ملزوقه ف الصدر الركب

مخفيه كل ملامح الوش ف تفاصيل الجسد

محروقه كل مراكب الذكرى ومبدوره رماد

جايه مع الزمن المخنث ترقصى!

وتهزى بإيديكى مواثيق البراءة

وتفتحنى للحلم بوابة أمان

---

إنتِ اللى كتتى تعبى ف جيوبك قرنفل

ضحكتك

وتفتّحى لمسام جلدك طاقة النور

اشتهاء

بُصى كمان . .

ما تدرجيش عينك على إزاز البيان

ما كتتى يوم منفى ف أحضان الوطن

ولا ف يوم خطيتى ع الطوب والخطب

ولا جرح الصبار إيديكى

ولا كتبتى بدمك السایل

على زنزانة البق الكلام

ما بيكفى إنك ترسمى ع البطن

ورده لعشقك الطالع من الغيم والرصاص

---

ما بيكفى إنك تعشقى حتى الخيال  
ما بيكفى إن جناحك الأخضر يرفرف  
ع الجناح  
ولا إن تسيلة عنيكى تفضح الكحل  
اللى دايب ع الكتاف  
بصى كمان . .

إنتِ على حبل الليالى بترقصي  
حافيه على الرمل بكعوبك ترحلى  
لا الغيمه فوقك يوم هاتسمع ندهتك  
ولا نار قبيله ف يوم هاترضى تلملمك  
زادك نخيل من تحت باطك شب لجل  
ما يسمعك

---

رحله ف وحده

ووحده ف الرحله

وزمانك يا نبوه بينهزم

لا باب تدقيه بالكفوف

ولا إيدين ممدوده بسلام أو لُقى

خشب الليالى بيرتخى

أغصان حروف العشق ممصوص دمها

وأنتِ على صلبان حديد متبَعره

مدقوقه فى كفوفك مسامير العناد

بصى كمان . .

دمك مباح



---

والعمر مش شاهد  
ولا يقدر يمام الجذع حتى ينصفك  
زمن الغوانى بيرجمك  
طايطى كمان ..  
أو شبي أكثر وامسكى شوك الزمان  
جمر العيون هايفتح الجفن المدان  
دمك هايفسل دمعتك  
إوعى ف يوم تبقى الغزاله اللى بتهرب  
للورا  
إجرى وقدامك توارىخ المحبه المشرعه  
إجرى وزيحى من على الجسم الرماد  
إتحزمنى بالعشق لو حتى انكسار

---

ما تفجريش قلبك تمن  
ولا تهريش لو حتى جسمك مُستباح  
ضمي لصدرك كورة النار والألم  
يا تقومي من تاني ويتصاعد بخار الزيف وبدنك  
يتمشق

أو تحرقك  
ويطقطق الشعر اللى مفروود ع الكتاف  
تتحولى كومة رماد  
الفرق بينه وبين تراب الأرض  
حبة أمسيات

إبريل ١٩٨٨

# المهروب الأول .. المهروب الأخير

إلى «أشجان عطية»

صديقة هربت مني مرتين

---

---

---

ودخلت من شِبَاكِكَ المفتوح ف صدرى  
غربلت كل حروفك المجدوله بحبال القلق  
بعترتها  
جمعتها

---

والكلمه كانت أحلى لفظ بيتنطق

نظمتها

وكتبتها

على كل باب دقيته يوم وما انفتح

يا واقفه قدام البيان

قولى لبكره الصبح بان

والديك على سطح الجيران

واقف بيستنى الأدان

الكلمة كانت فوق شفايفى المضمومين

ماقدرش دمع الليل يفيض

---

وقد رت أشوف خد الصبيه اللى انجرح

يا ام الخدود المجروحين  
مين اللى عبي النيل انين  
مين اللى فرط عقدنا ف عب السنين  
إوعك تقولى شاب مرفوع الجبين

كنتى وكنا  
وكانت الأحلام بتحبي ف الصدور  
من غير ميثاق  
من غير عهد  
كان القلق  
والشوق وحب بيتولد بين الضلوع

---

للمنا أحلى قصايد الشعر ف ضفاير شَعَرنا  
وقبل ما ابدأ رقصتى فوق السطور  
كان الهروب

أول هروبك واكتحالي بالحنين  
دورت عن حلمك ف صوتي  
وفرشت ف الليل العبايه ولانتظار  
عديت سنين العمر من غير التفات

مریت على بيتكو القديم  
جبل الغسيل  
فكرنى بالضحك اللى دلوقتى اتنسى  
وابن الجيران  
وجواب بيتخبى ف كراتين الكتب



---

وحناقنا لما بنختلف  
والخوف من التأخير واطنان التهم  
صدرى اتقفل  
دقيت حيطان الذاكره  
وسألت كل زمايل التخته  
وايام الصبا  
ما قدرت أحوش نهر الدموع  
ما قدرت أعيش زمن الرجوع  
ما قدرت أوارب قلبي من غير ما اهزمه . .  
كل اللي كانوا بيدخلوا قلبي ف لحظة بيهربوا  
وبيسرقوا وياهم الليل والقمر  
ما فضلش غير :  
اشجان وصوره ف دفتري

نوفمبر ٨٧

---

شمس الضحى

---

---

---

هز الهوا تُل الستائر . .  
إتباعد الضل اللى مرسوم ع الكتُب  
مهدوده ليه شمس الضحى  
وملففانى ليه بصلصال الطفوله اللى اتشرخ  
وموقفانى ليه على بر الحواديت والدُعا

---

هز الهوا كمون الزمن . .  
ورمانى من تانى ف حُضن الأُسْله  
زلزل لسانى اللى نطق بالفاثحه  
والعديّه وقصار السور  
رجعنى طفله بقُصه طيرها الهوا  
(لسه بتعرف أن صاد الحرف تصبح  
ضاد خُصد بِنُقْطه صغيره)  
مفروط على جبينها السؤال والأجوبه

هز الهوا عود الريحان . .  
ولمحت قصدير الليالى بينصهر  
داواريه فضى ف ننى عيني بتندلق

---

نبشت ركود الذاكره  
ولقيتني من تاني بردد جزء «عم» بحفظه  
وانتِ على سريرك وعمدانه الذهب  
بتحلّي مندليك  
تفوح ريحة الماورد وعطرك اللى بعشقه

رجع الزمن عشرين سنه  
ولسه وشك بالتجاعيد النبّه  
ضىّ انا باتّبعه  
لسه صوتك فجر مغسول ف الدعا  
لسه حواديتك ف ودنى  
طيف وترنيمه وفضا

---

واقفه على طرف الأصابع بسمعك . .  
شقيت معاكى سكة الشاطر حسن  
وف التغريبه شديت الرحال  
غَرَّبْتُ ويا بني هلال  
وقرصنى جوع الليل ف خيمة لانتظار  
صوتك ادحرج على جبل السنين  
مكه بتفرط عقدها وسط الصحارى  
مهاجرين  
يثرب بتبدر تمرها ليهم حنين  
أذُنْ بلال جسمي، اتنفض  
مفتوحه كل ممالك الدنيا على صوت  
الأدان  
أرض البقيع مفروده سجادة صلا

---



---

وانا رافعه راية الفتح عاليه ف السما  
**ومعفره**  
ومعفره ف عنيا خيل الانتصار دمة فرح  
وبطل من خرم الزمن ..

صندوق لدنيا بتفتح  
على نخل رامى ضلته فوق الحصان  
على نقش فوق هودج مَحْنِيَّ الخجل  
على بنت بالخلخال بتغزل صوف غنم  
صوتك رحل جوه السنين

هز الهوا بُرُقِع زتونى ع الجدار ..  
رجع القمر فارد شراعه ع البيان  
متلخبطه كل الصور

---

مفروطه شرايين اللغه  
وانا وسط كوم الأغنيات  
باتذكرك  
جده وطفله بيقسموا بينهم غطا  
ويفتحوا بوابة الليل ع الزمن  
باتذكرك ..  
والحمى طاغيه ع الجسد  
غرقانه ف بحور الكوايس واللزوجه  
والعرق  
حامت صور على سقف أوضه مضلّمه  
مالت على جسمى الحيطان  
والسقف فوق صدرى إتركن  
وبافوق على رعدة إيديكى الممدودين

---

---

تروينى رقوة غنوتك

وتهدهدينى

لحد ما احلم باليمام اللى انطلق

هز الهوا ورق الشجر . .

صَقَّرَ ف ودنى مُكَبِّرِ الصوت اللى

ع الحيط

إنتبهت

مش قادره أشوف إلا طوفان إسود

طُرح

مش قادره اشوف جلايتك المنقوشه

فل

كنتى فوق الغيم حمامه رفرفت

حطَّت على كتفى وباست دمعتى

---

طايطى النخيل  
ساعة خروج آخر نفس  
هربت عصافير السما  
وندهنى صوتك  
من ورا شقوق الزمان

فبراير ١٩٨٨

ولر تايه

---

\_\_\_\_\_

---

يا لهفة الأم اللى تايه إنها  
يا دقة القلب اللى سابقه خطوها  
يا صوت بيستجدى الحصى  
وعيون تلملم م الشوارع والبيوت  
شكل الولد

---

لون البيجامه وشبشه  
تعفيرة الوش اللي مليون بالعرق  
حضنه الصغير  
ضحكته  
تنطيطه ع الترايزه  
رميه الكوره فوق سطح الجيران  
خوفه من الضلمه  
وبله الحجر والملايات  
لعبه بسبحة جدته تحت اللحاف  
عرقه اللي لسه ف الكتاف

دلوني يا ولاد الحلال  
الصرخه ف الليل استحالت قبله



---

والصوت يبطئ ع المكبر فرفره  
والدمع مش عايز يسيل  
والشفه بارده  
والعروق النافره ويا الصوت نفير

بتدحرجى قلبك على تراب السكك  
والصدر حانن  
واللبن غرق قميصك المرعوش حنان  
«إبنى جعان»

عيل صغير  
والبيجامه مخططه

يونيو ١٩٩٠

---



# أول حدود النواكره



---

---

إبنى الصغير ع السرير  
مطبوعه على خذه الرسومات مرتين  
نام قبل ما انهيله الحكاية بكلمتين  
ومتبته إيده على عربيا حمرا بنجمتين  
ملكست على شعره الحرير  
وسرحت لبعيد البعيد

---

إمتي تنبت دقنك الناعمه بزغب  
أو يبقى خطوك ع السكك  
مش جرى ورا طوبه  
ولانط بعبط  
وازاى هاتبقى تستحى  
من صوتك المِخْشَن  
والشعر اللى من طاقة قميصك منطلق  
إزاى يا «علوه» هاييجى يوم  
وتداوى جرح العشق من غير البُكا  
وازاى هايبقى «محمد» الحيران بأسئلته  
الكثير  
شباب بيقول أجوبه

---

---

إزای هاتبقى لاختوك ف لحظه شرنقه

وازای هاتجمعكم شوارع

تحکوا فیها کل أسرار الصبا

أخین بتتشبك إیدیهم فی الخلا

تبادلوا قمصانکم سوا

وتحلوا طلاسکم سوا

وهايیجی یوم

یمكن أشب عشان ما احط بإیدی

علی کتف اتفرد

یا ایدين طریه صغیره

لیه کل ما انطق اسمکم

---

تحاصرني لحظة إكتحال عيني بزمان

مش مُنهزم

واسمع صهيل الخيل

وجسمى يتنفض

واحلم اعيش زمن انتصار واحد فقط !

آه يا «علي» ..

كان في زمان صبي .. صبي ..

نام ف السرير واتغطى علشان النبي

يقدر يخطي من حدود داره لأُمّه

قبل ما تقول الشهاده صدقت

نام والسيوف ع الباب بتصرخ



---

بالخيانة والعمى،

ماركعش يوم

إلا للواحد أحد

وأنا قبل ما أحبك ع الكتاف طرف الغطا

إتململ الجسم الصغير وانكمش

وعرفت إني مش بقول حدوده

ع الشاطر حسن

أنا بس وسعت المسافه ما بين

زمان أعوج

وبين

أول حدود الذاكره

مارس ١٩٩٢

---



# صور الطفولة



---

---

## تلامذه جايين م القرى

ولسه فيه تلامذه ييجوا من القرى  
بالكنبه ومخده مقطوم وسطها  
ويا البابور أبو فونيه مكتومه  
وبلاص العسل  
والملايه  
صره العيش اللي نصه بينكسر

---

والبطانيه البنى  
من صوف الغنم  
تلامذه تشعلق عيونهم ع الغسيل  
والجاره  
وشوارع الأسفلت  
وحياة المدن  
شفت ف عنيهم فرح  
فرح التحرر م المواعيد والنظم  
ووصايا تتعلق ف مسمار الهدوم  
تتلم تانى ف الملايه الكالحه  
فى يوم السفر

سبتمبر ١٩٩٣

---

الحب

كنا عيال ..  
وعالمنا أوسع م المدى  
جربنا كل الأمنيات  
وجربنا عمره ما يوم فضى  
احنا العيال  
اللى كانوا بيخلعوا  
ف الليل هدومهم والهموم  
واللى كان مخبأهم السرى

---

ف بير السلم المكسور  
كان عوالم للكبار ما بيتفهم  
علبة الورنيش وجواها التراب  
حتة الجير اللي نرسم بيها حجله معوجّه  
غطيان كازوز مفروود ومتنى  
وبلاط مكسر نبنى بيه السبعويه  
وساعات نخطط بيه بيوت ع الأرضفه  
طباشير ملون نسرقه آخر الحصص  
وعروسه مكسورة الإيدى ومبهدله  
أو يويو مليون بالنشاره الناعمه  
نخطه ف دماغ عيال الحته  
نلاقه انقطع

---



---

ورقة حبش

لسه فيها نقطه حمرا ندقها

شطاطة الكبريت عيدانها مولعه

ونبال بأحجامها الكثير

لزوم حروب

قبل النهاية بتبتدى

كل مخبأ ..

كنا نتصور يانه مستحيل هاینكشف

بس الكبار ..

كانوا أخبث منا

مارس ١٩٩٤

---

# سكر نبات

« سكر نبات  
يا نبات تعالوا تكبروا  
سكر نبات  
أحلى من التوت واللبان  
استفتحوني تسعدوا »

---

كبروا البنات واتدوروا  
ولسه صوتك ف الشوارع نسمعه  
أقوى من صوت عم حامد  
لما كنا ننط على حبل الجرس  
وأشد من خرازانة الأستاذ كرم  
سكر نبات  
ف جنب البق  
والخرازانة مرفوعة ف وشوشنا  
ف الحصص  
سكر نبات  
تحت اللسان  
واحنا بنجاوب سؤال النحو  
والإجابات الغلط

---

---

سكر نبات  
سلوفان ملون  
نفرده فوق العيون  
علشان نشوف  
ألوان لدنيا مضحكه  
كنا بنعرف وقتها  
نسرق من الدنيا فرحنا بدون ثمن  
وندوب السكر ف صوتنا  
ضحك يعلى للسما  
ونلم أدواتنا ف شُطنا  
ننسى شكل حمار كفوفنا والألم  
سكر نبات

---

ویامین یرّجع طعمه ف البق الصغیر

من تانی نطلق ضحکنا

من غیر تمن

فبرایر ۱۹۹۴

---

## عين الحراريس

وانا بِسْمَعِكَ

ندهة ولد ف الصبح ونشيل الشنط

ونعدى شارع بالمرايل مزدحم

زى الندى

مبدور لحد المدرسه

كل البيوت متونسه

---

بالضحك والحناقات  
وتسميع الأناشيد والصور  
وولد على طرف الرصيف  
بيحل واجبه اللى اتنسى  
أو بنت نسيت منقله  
وعيال بتفرد لوحه مقطوع طرفها  
واتنين بيتسابقوا سوا  
والجرى مع دق الجرس  
تفضى الشوارع والطرق  
والمح على طرف الرصيف  
منديل صغير  
أو قلم

يونيو ١٩٩٣

---

## دكانه عم احمد

عم احمد بيلم عزاله  
والآخر هاسك بيانه  
وهايقفل دفتر أيامه  
عم أحمد دكانه قصادی  
لو يعلم إني رفضت اكبر  
ها يغيب وها يرجع من تانی



---

وهايفتح راديو قديم أسمر  
أسمعه وانا بفتح ف كتابي  
وها حبي البرايه الزرقا  
واتحجج . . ها اشترى برايه  
يقابلني بوشه اللي بيضحك  
يسألني عن الأبله فريده  
وها يكتب على ورق اللحمه  
أمثاله وحكمه وأشعاره  
وها أقولها الصبح ف مدرستي  
وافتكره وهو هاينساني  
عم أحمد . .  
ما فتحش بيانه

---

## النذر

أنا أصلى ما عرفش الندور  
ما عرفش غير طنط ام حمدى  
لما كان ييجى ابنها  
شايلى طبق  
ومغطينه بقوطه لبنى صغيره

---

يسأل سؤاله بلهوجه :

مامتك هنا ؟

وقبل ما نطق بالإجابة

يحط ف إيديا الطبق

وينط درجات السلالم كلها

كان نفسى يوم أسأل دا ليه

وكتير وقفت على السلالم

ماده إيدى بالطبق فاضى

ودماغى مليون بالكلام

ماعرفش ليه

مالقيتش لحظه من الزمن

أسأل سؤالى

---

واعرف السر اللى متخبى  
ورا رغفين  
وصحن النبات المبعوت لنا  
كل اللى كنت انا باعمله ..  
إنى اطبق فوطه لبنى صغيره

سبتمبر ١٩٩٣

---

## الزينة

واحنا عيال . .

رمضان بيداً عندنا قبل الهلاك

نفتح كراتين الكتب والكراسات

ونقصقص الورق الملون

زى شبايك الجوامع والقباب

ودقيق نبله ونطبخه ونلرزق قوام

والزينة ف الخيط الطويل

تبقى سقف مغطى شارع مستطيل

---

كان السباق بينا عنيف  
والغيره من شكل الفانوس  
لوحد غيرنا زخرفه أو كبره  
أو حط لمبه تنور الشارع . . نظير  
نخلق له بوص من فوق سطوح عم اسماعيل  
نلزع عليه سلوفان ملون  
تبقى تحته اللمبه شمس بألف لون  
وهدوم قديمه نلمها  
أو جزمه من تحت السرير  
نعمل عروسه وتبقى اكبر م الفانوس

ويا ريت يا رب  
الأمهات ينسوا يبصواع العروسه

---

أو ينسوا أشكال الهدوم  
وتأخذنا زحمة الشغل اللذيذ  
فرحة الشغل اللذيذ  
واللى مخاصمينه بيجرى يجيب لنا  
جلاد كراريسه القديمه كلها  
وننسى مين قطع لمين المريلة  
أو مين وقف يتلقى بالشنطة الكفوف ف المعركة  
الزينة كانت فرصة المطرود يعود  
الزينة هى الفرحة على وش البيوت

أبريل ١٩٩٤

---

## الفهرس

- |    |                                    |
|----|------------------------------------|
| ٣  | ١ - طباشير وفحم                    |
| ١١ | ٢ - مهرة الحواديت                  |
| ١٩ | ٣ - حجر الإزاز                     |
| ٢٧ | ٤ - مكنة خياطه                     |
| ٣٣ | ٥ - قراءة فى علاقة                 |
| ٤٣ | ٦ - الهروب الأول . . الهروب الأخير |
| ٦١ | ٧ - ولد تايه                       |
| ٦٧ | ٨ - أول حلود الذاكرة               |
| ٧٥ | ٩ - صور طفوله                      |

رقم الايداع بدار الكتب ١٩٩٤/١١٥١٨

I.S.B.N. 977-03-5630-7